

1993

## H O M I L E T I C I.

1994

bus immorari non est operae pretium.

## DCCCXIV.

- U. 68 Codex chartaceus lat. Sec. XV. Folior. 300. 4. currente, et, ut videtur, ipsius Autoris calamo perscriptus. Collectio est sacrarum Dictionum ad Populum M. *Petri Reicher de Pirchenwart* Canonici ad D. *Steph.* Receptoru Acad. bis annis 1425. et 31. functi, et an. 1436. mortui. Habita sunt illae ab a. 1420 — 36. nulloque temporis ordine coagmentatae, sed in fol. praevio manus aliquantum posterior ad tempus ecclesiasticum eas redegit. Plures earum in fronte gerunt et annum, quo, et locum, ubi propositae sunt, puta ad *S. Stephanum*, ad *Portam Coeli* &c. Materia Poenitentiae prolixissime omnium tractatur a fol. 221. ad fol. 245. In Sermone *Dom. IV. post Trinit.* ad *S. Stephanum* a. 1431. habito calamitates *Husiticae* describuntur, memorantur missi in *Almaniam* propterea *Cardd. Placentinus*, *Ursinus*, et nunc *Julianus* dictus *S. Angeli*, item auctoritas praedicandae Crucis facta *Domino Olomucensi*, ipsa demum *Bulla* fol. 104. pronuntiatur. Thecae anteriori inscriptum: *Liber Collegij Ducalis Wyen.*

## DCCCXV.

- U. 199 Codex chartaceus lat. partim XIV. partim XV. Sec. Folior. 450. 4. confarcinatus e diversis Scriptis, quorum magna pars ad-

modum difficili manu exarata est, hunc in anteriore Theca Titulum praefert: *Posiciones magistrorum. Questiones naturales. Principia sententiarum. Collaciones ad clerum. Prioribus e Logica, Metaphysica et Physica Aristotelis* petitis immorari non est operae pretium. Pertingunt haec usque ad fol. 371. admixtis etiam quibusdam Quaestionibus theologicis. Ad Academiam *Vienn.* pertinere docent Magistrorum Nomina hinc et inde obvia, quae pro aliquo Historiae illius literariae subplemento servire possunt. Notissima sunt *Theodoricus Rudolphi de Hamelburg*, *Petrus de Pulka*, *Job. Angerer de Mildorf*, de quo fol. 264. *cras hora octava incipiet legere primum librum Euclidis in lectorio ordinario*, *Cristannus de Grecz Regine*, *Job. de Gmunden* &c.

A fol. 302. jam etiam miscentur Prolusiones, alique Sermones Academici in Collatione graduum habiti cum Problematibus simul disputatis, quorum unum fol. 325. ita subscribitur: *Posicio per quam respondi M. Sebaldo* (de *Ravenspurg*?) *Licenciato in Medicina Studij Montispeffulani et M. in artibus studij Wienn. Anno 1415. et pro tunc fui Decanus immeritus facultatis Arcium.* Loquitur hic *Johannes Angerer* supra et saepe alias nominatus, Praepositus deinceps *Gurnitzensis* in *Carinthia* et a. 1432. mortuus, unde recte concluditur plurimas harum Adlocutionum ab illius calamo profectas esse.

1995

CODICES

1996

Fol. 371. habetur *Ejus Sermo de resurrectione Domini pronunciatus in die Pasche Anno domini M<sup>o</sup> CCCC<sup>o</sup> Vicesimo*. In illud: *Surrexit non est hic*. Marc. ult. hoc initio: *Venerabiles Patres &c. Evangelicus propheta ysaias, qui misteria resurrectionis &c.*

Fol. 381. *Principium primum in cursu biblie et postea IV. Principia five Prolusiones in totidem Libros Sententiarum, quarum I. subscripta: Anno 1421. In die S. Amandi, pronunciata in die S. Narcissi.*

A fol. 405. Sermones sacri VI. 1) in illud: *Secus pedes domini audiebat verbum illius* Luc. 10. 2) in illud: *Virtus dei est in salutem omni credenti*. Rom. 1. 3) in illud: *Considerate lilia agri &c.* Matth. 6. 4) in illud: *Beati qui habitant in domo tua*. Pf. 83. 5) in illud: *Induamur arma lucis*. Rom. 13. 6) in illud: *Hij sunt viri misericordie*. Eccl. 44. Atque postremus hic M. Petri de Pulka est, ut dixi Vol. I. P. 3. Cod. DCCCC. LXIX. et alias.

DCCCXVI.

U. 455  
—64  
Codex chartaceus lat. Sec. XVI. Folior. 271. f. orditur Seriem Scriptorum in IX Volumina compactorum *Johannis Fabri Ep. Vindob.* qui actis et scriptis de Ecclesia Christi optime meritus excessit a. 1541. ut pluribus docetur in *Scriptt. Univ. Vienn.* P. II. p. 51. et in *Historia mea vernac. Typographiae Vienn.* passim. Seriem similem dedi Vol. I. ut ejus

*Index demonstrat. Quae in praefenti continentur, partim ἀνορογὰφα, partim amanuensium calamis exarata hic uno Numero comprehendere, et sub uno conspectu ponere visum est.*

Vol. igitur I. habentur *Homiletica: Sermones de Sex operibus Misericordiae habiti Viennae an. 1538. ἀνορογοι numero VI. Sermones per Anni Dominicas manu Autoris, e quibus Sermones de Aduentu Domini dicuntur Exscripti ad impressuram, quae secuta est Coloniae 1541.*

Vol. II. habentur *Heretica ex Lutero et Erronea*. Enotantur videlicet ejus Opera additis animadversionibus.

Vol. III. *Adversaria polemica, plurimum contra Confessionem Augustanam, et varios Imperatori a Protestantibus oblatos Libellos directa, latina, germanica; item Lutheri Antilogiae typis deinceps non semel editae, v. g. inter Opuscula Lipsiae 1537. f.*

Vol. IV. *Adversaria primum polemica inscripta: Collectanea contra Lutheranos, in certos Titulos digesta; dein Collectanea ex Hebraeis, mense Julio Anno 1528. nullo Librorum biblicorum servato ordine. Notantur vero literis latinis Voces hebraicae variae addito significato.*

Vol. V. *Rursus Polemica. Primum quidem Libri III. De Fide, de Sacramentis, de Ceremoniis in Capite distributi, praemis ubique Lutheri locis et subiecta confutatione. Ad calcem additum: Dresdae XXII. Aprilis*

1530.